



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-2845-2/21  
Sarajevo, 04.02.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka) Vlada Kantona Sarajevo, na **Šestoj** sjednici održanoj **04.02.2021.** godine, donijela je

## ZAKLJUČAK

1. Utvrđuje se Prijedlog Zakona o izmjenama i dopunama Zakona o državnoj službi u Kantonu Sarajevo.
2. Predlaže se Skupštini Kantona Sarajevo da donese Zakon iz tačke 1. ovog zaključka, u skladu sa članom 145. Poslovnika Skupštine Kantona Sarajevo („Službene novine Kantona Sarajevo”, broj: 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20).

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo (3x),
3. Skupština Kantona Sarajevo,
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Evidencija,
7. A r h i v a.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
VLADA

**ZAKON  
O IZMJENAMA I DOPUNAMA ZAKONA O DRŽAVNOJ SLUŽBI U  
KANTONU SARAJEVO  
(PRIJEDLOG)**

Nosilac izrade:  
Ministarstvo pravde i uprave

Sarajevo, decembar 2020. godine

Na osnovu člana III.4. Ustava Federacije Bosne i Hercegovine, člana 14. stav 1. i člana 18. stav 1. tačka b) Ustava Kantona Sarajevo (“Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici od \_\_\_\_\_ 2020. godine, donijela je

**(PRIJEDLOG)**

**ZAKON  
O IZMJENAMA I DOPUNAMA ZAKONA O DRŽAVNOJ SLUŽBI U KANTONU  
SARAJEVO**

**Član 1.  
(Izmjena člana 10.)**

U Zakonu o državnoj službi u Kantonu Sarajevo (“Službene novine Kantona Sarajevo”, br. 31/16 i 45/19), u članu 10. stav (1) mijenja se i glasi:

“(1) Državni službenik se postavlja na jedno od sljedećih radnih mjesta:

- a) rukovodilac stručne i druge službe koju obrazuje Vlada, Gradonačelnik ili načelnik,
- b) sekretar organa državne službe,
- c) pomoćnik rukovodioca organa državne službe,
- d) glavni inspektor,
- e) glavni interni revizor,
- f) interni revizor,
- g) šef unutrašnje organizacione jedinice,
- h) inspektor,
- i) stručni savjetnik,
- j) viši stručni saradnik,
- k) stručni saradnik.”

**Član 2.  
(Novi čl. 14a. i 14b.)**

Iza člana 14. dodaju se novi čl. 14a. i 14b. koji glase:

**“Član 14a.  
(Glavni interni revizor)**

(1) Glavni interni revizor rukovodi poslovima interne revizije u skladu sa važećim propisima iz oblasti interne revizije u javnom sektoru.

(2) Prilikom obavljanja interne revizije glavni interni revizor ostvaruje saradnju sa Centralnom harmonizacionom jedinicom Federalnog ministarstva finansija kao i Uredom za reviziju institucija u Federaciji u razmjeni izvještaja, dokumentacije i mišljenja.”

**“Član 14b.  
(Interni revizor)**

Interni revizor vrši poslove u skladu sa važećim propisima iz oblasti interne revizije u javnom sektoru.”

**Član 3.**  
**(Izmjena člana 30.)**

U članu 30. stav (3) riječi “do i)” zamjenjuju se riječima “do k)”.

**Član 4.**  
**(Dopuna člana 31.)**

U članu 31. iza stava (2) dodaje se novi stav (3) koji glasi:

“(3) U skladu sa stavom (1) ovog člana, može biti preuzet onaj državni službenik koji ima najmanje šest mjeseci neprekidnog rada u organu državne službe iz kojeg se preuzima.”

**Član 5.**  
**(Dopuna člana 34.)**

U članu 34. iza stava (5) dodaju se novi st. (6) i (7) koji glase:

“(6) Rukovodilac organa državne službe, Gradonačelnik ili načelnik može uputiti zahtjev Agenciji da poništi objavljeni javni konkurs. Zahtjev za poništenje javnog konkursa može se podnijeti najkasnije do isteka roka za podnošenje prijave na javni konkurs. Rukovodilac Agencije dužan je prihvatiti ovaj zahtjev i poništiti javni konkurs.

(7) Izuzetno, ako se promijeni rukovodilac organa državne službe, Gradonačelnik ili načelnik, novoizabrani rukovodilac organa državne službe, Gradonačelnik ili načelnik može podnijeti zahtjev Agenciji da obustavi postupak izbora kandidata po javnom konkursu, nakon isteka roka iz stava (6) ovog člana. Rukovodilac Agencije dužan je prihvatiti ovaj zahtjev i poništiti javni konkurs. Nakon donošenja rješenja o postavljenju kandidata, postupak po konkursu ne može se obustaviti.”

**Član 6.**  
**(Dopuna člana 38.)**

U članu 38. iza stava (3) dodaju se st. (4) i (5) koji glase:

“(4) Agencija objavljuje rezultate javnog konkursa na oglasnoj ploči i pisano obavještava sve kandidate o rezultatima koje su postigli.

(5) Na obavještenje Agencije iz stava (4) ovog člana kandidati imaju pravo žalbe Odboru za žalbe u roku od osam dana od dana njegovog prijema.”

**Član 7.**  
**(Izmjena člana 39.)**

Član 39. mijenja se i glasi:

“Član 39.  
(Postavljenje državnog službenika)

“(1) Rukovodilac organa državne službe, Gradonačelnik ili načelnik postavlja najuspješnijeg kandidata sa Liste uspješnih kandidata koji su prošli javni konkurs iz člana 38. ovog zakona, za državnog službenika.

(2) Izuzetno, iz opravdanih razloga uz obrazloženje, rukovodilac organa državne službe, Gradonačelnik ili načelnik može postaviti kandidata bez obzira na redoslijed utvrđen na Listi uspješnih kandidata, a nakon obavljenog usmenog intervjua sa svim kandidatima sa Liste uspješnih kandidata.

(3) Pod opravdanim razlozima iz stava (2) ovog člana podrazumijeva se nacionalna i spolna struktura u organu državne službe i prednost u zapošljavanju utvrđena posebnim propisima.

(4) Usmeni intervju iz stava (2) ovog člana provodi se u organu državne službe.

(5) Rezervna Lista uspješnih kandidata čuva se do isteka probnog rada postavljenog državnog službenika.

(6) Postavljenje državnog službenika vrši se rješenjem, koje rukovodilac organa državne službe, Gradonačelnik ili načelnik donosi u roku od 30 dana od dana dostavljanja Liste uspješnih kandidata organu državne službe, i dostavlja kandidatu i objavljuje na oglasnoj ploči organa državne službe.

(7) Rukovodilac organa državne službe, Gradonačelnik ili načelnik donosi rješenje o stupanju na posao državnog službenika, u roku ne dužem od 30 dana od dana konačnosti rješenja iz stava (6) ovog člana, izuzev za radna mjesta državnih službenika koja podliježu sigurnosnim provjerama u skladu sa Zakonom o zaštiti tajnih podataka, u kom slučaju se rješenje o stupanju na posao državnog službenika donosi nakon što rješenje iz stava (6) ovog člana postane konačno i nakon što se okončaju sigurnosne provjere i donese odluka o nepostojanju sigurnose smetnje za pristup tajnim podacima odgovarajućeg stepena tajnosti.

(8) Ukoliko je na snazi Odluka o privremenom finansiranju, rješenje o stupanju na posao donosi se u roku ne dužem od 30 dana od dana usvajanja Budžeta.

(9) Izuzetno od stava (8), ukoliko Odluka o privremenom finansiranju nije prepreka za stupanje na posao, odnosno ukoliko su obezbijedena sredstva za to radno mjesto, rješenje o stupanju na posao se donosi u roku iz stava (7) ovog člana.

(10) Prije preuzimanja dužnosti, postavljeni državni službenik prima pisani opis svog radnog mjesta i akte kojim se regulišu radni odnosi, plaće, unutrašnja organizacija i zaštita na radu.

(11) Rješenje o postavljenju sadrži:

a) ime i prezime državnog službenika;

b) naziv organa državne službe u koji je državni službenik postavljen;

c) naziv radnog mjesta i platni razred.

(12) Postavljeni državni službenik preuzima dužnost polaganjem zakletve vjernosti pred rukovodiocem organa državne službe, čiji tekst utvrđuje Agencija, a potpisani tekst zakletve sastavni je dio personalnog dosjea državnog službenika.

(13) Jedan primjerak rješenja o postavljenju državnog službenika dostavlja se Agenciji radi evidentiranja u Registru državnih službenika, u roku od osam dana od dana donošenja rješenja.

(14) Protiv rješenja iz stava (6) ovog člana može se izjaviti žalba Odboru za žalbe.”

**Član 8.**  
**(Izmjena člana 43.)**

(1) U članu 43. stav (1) riječi “do i)” zamjenjuju se riječima “do k)”.

(2) U članu 43. stav (2) riječi "sedam dana" zamjenjuju se riječima "deset dana".

**Član 9.**  
**(Izmjena člana 50.)**

„Član 50.  
(Neplaćeno odsustvo)

(1) Državnom službeniku može se odobriti neplaćeno odsustvo do 30 dana u kalendarskoj godini u slučajevima:

- a) za pripremanje i polaganje ispita,
- b) za sudjelovanje u stručnim seminarima,
- c) za gradnju i popravku kuće ili stana,
- d) za njegu člana obitelji,
- e) za sudjelovanje na kulturnim, sportskim susretima i drugim sličnim slučajevima.

(2) Dužina odsustva, iz stava (1) ovog člana, za pojedine slučajeve uređuje se pravilnikom o radnim odnosima organa državne službe.

(3) Ukoliko u organu državne službe istog nivoa vlasti rade dva ili više državnih službenika, članova zajedničkog domaćinstva, neplaćeno odsustvo iz stava (1) ovog člana može se odobriti samo jednom državnom službeniku.

(4) Odsustvo iz stava (1) ovog člana, može se odobriti samo pod uslovom ako odsustvo državnog službenika s posla neće utjecati na blagovremeno obavljanje službenih poslova.

(5) Izuzetno, državnom službeniku u organu državne službe može se odobriti neplaćeno odsustvo u trajanju dužem od 30 dana u slijedećim slučajevima:

a) boravaka u inozemstvu radi spajanja porodice, ako bračni drug državnog službenika boravi u inozemstvu po osnovu odluke nadležne institucije Bosne i Hercegovine ili nadležnog organa Federacije Bosne i Hercegovine;

b) školovanja koje nije obuhvaćeno organiziranim oblicima obuke, koju provode organi i institucije u Federaciji, odnosno u Bosni i Hercegovini, a koje doprinosi ukupnom usavršavanju državnog službenika u obavljanju poslova iz djelokruga organa državne službe.

(6) Odsustvo iz stava (5) tačka a) ovog člana ne može trajati duže od četiri godine, a odsustvo iz stava (5) tačka b) ovog člana ne može trajati duže od dvije godine.

(7) Za vrijeme odsustva s rada, u skladu sa stavom (1) i (5) ovog člana, prava i obaveze državnog službenika, koja se stiču na radu i po osnovu rada miruju.”

**Član 10.**  
**(Izmjena člana 52.)**

U članu 52. tačka b) se mijenja i glasi:

“b) kad navršši 65 godina života i 15 godina staža osiguranja, odnosno najmanje 20 godina penzijskog staža, u skladu sa propisima o penzijskom i invalidskom osiguranju, odnosno kad navršši 40 godina staža osiguranja, u skladu sa propisima o penzijskom i invalidskom osiguranju, bez obzira na godine života;”.

**Član 11.**  
**(Izmjena člana 57.)**

U članu 57. stav (1) riječi “do i)” zamjenjuju se riječima “do k)”.

**Član 12.**  
**(Izmjena člana 59.)**

U članu 59. stav (4) riječi “do i)” zamjenjuju se riječima “do k)”.

**Član 13.**  
**(Dopuna člana 70.)**

U članu 70. iza stava (2) dodaju se st. (3) i (4) koji glase:

"(3) Izvještaj iz stava (1) ovog člana obavezno sadrži podatke o:

- a) fluktuaciji državnih službenika po radnim mjestima,
- b) broju kandidata za prijem u državnu službu po radnom mjestu,
- c) broju žalbenih postupaka,
- d) ocjenjivanju,
- e) otpuštanju,
- f) plaćama po pozicijama.

(4) Izvještaj iz stava (1) ovog člana, pored podataka iz stava (3) ovog člana, može sadržavati i druge podatke, koje organi iz stava (1) ovog člana smatraju opravdanim."

**Član 14.**  
**(Dopuna člana 73.)**

(1) U članu 73. stav (7) iza tačke d) dodaje se nova tačka e) koja glasi:

“e) ako ne donese rješenje o postavljenju državnog službenika, odnosno rješenje o stupanju na posao u roku propisanom u članu 39. st. (6), (7) i (8);”

(2) Dosadašnja tačka e) postaje tačka f).

**Član 15.**  
**(Rok za usklađivanje podzakonskih propisa)**

(1) Vlada Kantona dužna je Uredbu o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo" br. 39/16 i 10/17) uskladiti sa odredbama ovog zakona u roku od 60 dana od dana stupanja na snagu ovog zakona.

(2) U roku od 60 dana od donošenja podzakonskog propisa iz stava (1) ovog člana, rukovodilac organa državne službe, Gradonačelnik ili načelnik dužni su uskladiti pravilnike o unutrašnjoj organizaciji organa sa odredbama ovog zakona.

**Član 16.**  
**(Utvrđivanje prečišćenog teksta)**

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o državnoj službi u Kantonu Sarajevo u roku od šest mjeseci od dana stupanja na snagu ovog zakona.

**Član 17.**  
**(Stupanje na snagu)**

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: \_\_\_\_\_  
Sarajevo, \_\_\_\_\_

**PREDSJEDAVALAČI**  
**SKUPŠTINE KANTONA SARAJEVO**  
**Elvedin Okerić**



## OBRAZLOŽENJE

### I – PRAVNI OSNOV

Pravni osnov za donošenje ovog zakona sadržan je u odredbama poglavlja III, člana 4. Ustava Federacije Bosne i Hercegovine, kojim je, između ostalog propisano, da kantoni imaju sve nadležnosti koje nisu izričito povjerene federalnoj vlasti, te člana 14. stav 1. i člana 18. tačka b) Ustava Kantona Sarajevo, kojim je propisano da svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije, te u slučaju propisa iz zajedničke nadležnosti sa Federacijom u obimu dogovorenom sa federalnim vlastima, a ako takav dogovor ne postoji, te nadležnosti će Kanton vršiti cjelovito i samostalno.

### II – RAZLOZI DONOŠENJA

S ciljem uspostavljanja interne revizije u Kantonu Sarajevo i usklađivanja sa Zakonom o internoj reviziji u javnom sektoru u FBiH pojavila se potreba da se u Zakonu o državnoj službi u Kantonu Sarajevo (u daljem tekstu: Zakon) propišu radna mjesta glavnog internog revizora i internog revizora.

S tim u vezi, Ministarstvo pravde i uprave pripremlilo je Prednacrt zakona o izmjenama i dopunama Zakona o državnoj službi u Kantonu Sarajevo (u daljem tekstu: Prednacrt zakona), kojim je izmijenjen član 10. Zakona i kojim su predviđena navedena radna mjesta.

Također, primjenom Zakona, uočeno je da nije precizno razrađeno pitanje poništavanja objavljenog javnog konkursa.

Prednacrtom zakona propisano je da rukovodilac organa državne službe može uputiti zahtjev Agenciji da poništi objavljeni javni konkurs, najkasnije do isteka roka za podnošenje prijava na javni konkurs. Rukovodilac Agencije dužan je prihvatiti ovaj zahtjev i poništiti javni konkurs.

Izuzetno, ako se promijeni rukovodilac organa državne službe ili iznenada nastupe druge promijenjene okolnosti koje se nisu mogle predvidjeti, rukovodilac organa državne službe može podnijeti zahtjev Agenciji da obustavi postupak izbora kandidata po javnom konkursu, nakon isteka navedenog roka. Nakon donošenja rješenja o postavljenju kandidata, postupak po konkursu ne može se obustaviti.

Na osnovu kontinuiranog praćenja izvještaja o radu upravnog inspektorata u pogledu problema u primjeni Zakona u praksi, Prednacrtom zakona su predviđene i izmjene i dopune članova koje se odnose na preuzimanje državnih službenika i rokove za donošenje rješenja o postavljenju državnih službenika i rješenja o stupanju na posao.

Zakonom je propisano da je jedan od načina popune radnih mjesta državnih službenika u organima državne službe i putem pisanog sporazuma između rukovodilaca organa državne službe o preuzimanju državnog službenika (član 31. Zakona). Prema zabilježenim slučajevima primjene ovog načina popune radnih mjesta državnih službenika, ostavljen je prostor za zloupotrebu ove zakonske mogućnosti, što se ogleda u primjerima, da kandidati koji po osnovu javnog konkursa steknu status državnog službenika u jednom organu državne službe, putem sporazuma rukovodioca organa državne službe, budu odmah preuzeti u drugi organ državne službe. Prednacrtom zakona je propisano da državni službenik može biti preuzet u drugi organ državne službe tek nakon šest mjeseci neprekidnog rada u organu državne službe iz kojeg se preuzima.

Odredbama člana 39. Zakona nije decidno propisano, da nakon konačnosti rješenja o postavljenju državnih službenika, rukovodilac organa državne službe donosi rješenje o stupanju na posao državnog službenika. Prednacrtom zakona je predviđeno da rukovodilac organa državne službe, Gradonačelnik ili načelnik donosi rješenje o postavljenju državnog službenika u roku od 30 dana od dana dostavljanja Liste uspješnih kandidata organu državne

službe, a u roku od 30 dana od konačnosti rješenja o postavljenju obavezan je da donese rješenje o stupanju na posao. Propisane su i kazne za nepoštivanje rokova za donošenje navedenih rješenja.

Prednacrt zakona poslan je na konsultacije jedinicama lokalne samouprave, svim ministarstvima Kantona Sarajevo, i drugim organima uprave i upravnim organizacijama, te sindikatima, Odboru za žalbe i Agenciji za državnu službu Federacije Bosne i Hercegovine. Primjedbe, sugestije, prijedlozi i mišljenja na tekst Prednacrta zakona pristigli su od općina Stari Grad, Novo Sarajevo, Novi Grad Sarajevo, Centar Sarajevo, Ministarstva za rad, socijalnu politiku, raseljena lica i izbjeglice Kantona Sarajevo, Ministarstvo unutrašnjih poslova Kantona Sarajevo, Agencije za državnu službu Federacije Bosne i Hercegovine, Odbora državne službe za žalbe FBiH, Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH, Sindikata policije KS i Općinskog suda u Sarajevu.

U vezi sa članom 1. Prednacrta zakona, kojim se mijenja član 10. stav (1) Zakona, prihvaćena je primjedba Općine Novi Grad Sarajevo, a koji se odnosi na redoslijed tačaka unutar stava za radna mjesta internog revizora i šefa unutrašnje organizacione jedinice, a s obzirom da je prema Zakonu o plaćama i naknadama u organima vlasti KS, interni revizor u višem platnom razredu od šefa unutrašnje organizacione jedinice.

Prihvaćena je primjedba Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH i Ministarstva za rad, socijalnu politiku, raseljena lica i izbjeglice Kantona Sarajevo, a koja se odnosi na brisanje formulacije "*ili iznenada nastupe druge promijenjene okolnosti koje se nisu mogle predvidjeti*", koja je bila predviđena članom 5. Prednacrta zakona, kojim je vršena dopuna člana 34. Zakona.

Odbor za žalbe je iznio primjedbu da se u članu 5. Prednacrta zakona, kojim se dopunjuje član 34. Zakona, i u novom stavu (7) propiše da je Agencija dužna prihvatiti ovaj zahtjev i poništiti javni konkurs, kako je to propisano i u stavu (6). Također, predložena je i izmjena formulacije "izbor i postavljenje kandidata", s obzirom da se rješenjem ne vrši izbor kandidata, već postavljenje na radno mjesto državnog službenika. Riječi "o izboru", koje su tehničkom omaškom ostale u tekstu Prednacrta zakona, su brisane.

U vezi sa članom 6. stav (2) Prednacrta zakona, kojim se u članu 39. iza stava (6) dodaje novi stav (7), Sindikat policije i Ministarstvo unutrašnjih poslova su predložili da se u pogledu roka za donošenje rješenja o stupanju na posao državnog službenika, propiše izuzetak za radna mjesta službenika koja podliježu sigurnosnim provjerama u skladu sa Zakonom o zaštiti tajnih podataka. Ministarstvo pravde i uprave smatralo je ovu primjedbu opravdanom, te su izvršene izmjene člana 6. stav (2) Prednacrta zakona.

U vezi sa istim članom i Općina Centar Sarajevo je iznijela prijedlog da se propiše izuzetak po pitanju roka za donošenje rješenja o stupanju na posao, kada je na snazi Odluka o privremenom finansiranju. S obzirom na veći broj izmjena navedenog člana, Nacrtom zakona je predviđeno da se članom 8. mijenja cijeli član 39., u skladu sa primjedbama koje su prihvaćene.

Osim primjedbi na tekst Prednacrta zakona, pristigle su primjedbe i na ostale članove Zakona. Prihvaćen je prijedlog Agencije za državnu službu FBiH da se propiše pravo kandidata na žalbu na obavijest o rezultatima javnog konkursa, te je Nacrtom zakona dopunjen član 38. Zakona i propisano je da kandidati imaju pravo žalbe na obavještenje Agencije o rezultatima javnog konkursa, u roku od 8 dana od dana prijema obavještenja.

Izmijenjen je član 52. tačka b) Zakona i precizirani su uslovi za prestanak radnog odnosa državnog službenika, u skladu sa propisima o penzijskom i invalidskom osiguranju, a na prijedlog Sindikata policije i Ministarstva unutrašnjih poslova.

S tim u vezi, Ministarstvo pravde i uprave pripremilo je tekst Nacrta Zakona, koji je 19.11.2020. godine od strane Skupštine Kantona Sarajevo upućen u javnu raspravu, u trajanju od 30 dana.

Primjedbe, prijedloge i sugestije na Nacrt Zakona dostavili:

1. Kantonalni sud u Sarajevu, broj akta: 009-0-Su-20-000104 od 27.11.2020. godine,
2. Općina Trnovo, broj akta: 02-11-04-3519/20 od 01.12.2020. godine,
3. Dževad Čorović, namještenik u Kantonalnoj upravi civilne zaštite, putem e-maila, dana 14.12.2020. godine,
4. Općina Ilijaš, broj akta: 02/1-30-SI/20 od 04.12.2020. godine,
5. Ministarstvo unutrašnjih poslova Kantona Sarajevo, broj akta: 01-7-02-5831/20 od 11.12.2020. godine.
6. Opći Stari Grad Sarajevo, broj akta: 01-04-4-2586/20 od 15.12.2020. godine.

Primjedbe koje su prihvaćene ugrađene su u tekst Zakona, a dato je obrazloženje zbog čega pojedine primjedbe nisu prihvaćene.

Prihvaćena je primjedba Ministarstva unutrašnjih poslova – Uprava policije, koja se odnosi na ispravku tehničkih grešaka u članu 50. Zakona o državnoj službi u Kantonu Sarajevo („Službene novine Kantona Sarajevo”, br. 31/16 i 45/19), a odnosi se na numeraciju stavova u navedenom članu. S tim u vezi, dodan je novi član (član 9.) kojim se mijenja član 50. Zakona.

U Izvještaju o provedenoj javnoj raspravi dato je obrazloženje, zbog čega pojedine primjedbe nisu prihvaćene.

Dana 7.12.2020. godine, putem e-maila, ovom ministarstvu dostavljena je Analiza usklađenosti zakona sa SIGMA principima, sačinjena od strane članova projektnog tima „Jačanje upravljanja ljudskim resursima u Bosni i Hercegovini“ (Strengthening Human Resources Management in Bosnia and Herzegovina). Ministarstvo pravde i uprave ocijenilo je opravdanim prijedlog da se u članu 70. precizira šta izvještaj o provođenju Zakona treba da sadrži, te je prema uputama iz dostavljene analize izvršena dopuna člana 70. Zakona. Također, izvršena je izmjena člana 43. stav (2) Zakona, na način da je izmijenjen rok za prijavu na interni oglas (umjesto sedam dana, propisan je rok od deset dana, u skladu sa SIGMA principima).

Slijedom navedenog, Ministarstvo pravde i uprave pripremilo je tekst Prijedloga Zakona o izmjenama i dopunama Zakona o državnoj službi u Kantonu Sarajevo.

### **III – PRAVNA RJEŠENJA**

**Član 1.** – Ovim članom se mijenja član 10. stav (1) Zakona na način da se pored postojećih radnih mjesta državnih službenika propisuju radna mjesta glavnog internog revizora i internog revizora.

**Član 2.** – Ovim članom dodaju se novi članovi 14a. i 14b. kojim se propisuju poslovi glavnog internog revizora i internog revizora.

**Član 3.** - Ovim članom izvršene su tehničke izmjene u članu 30. Zakona, a u skladu sa izmjenama člana 10. stav (1) Zakona.

**Član 4.** - Ovim članom vrši se dopuna člana 31. Zakona, te se propisuje da državni službenik može biti preuzet u drugi organ državne službe ako ima najmanje šest mjeseci neprekidnog rada u organu državne službe iz kojeg se preuzima.

**Član 5.** – Ovim članom u članu 34. dodaju se novi stavovi (6) i (7), koji propisuju uslove za poništavanje konkursa, te rok u kojem se zahtjev za poništenje javnog konkursa može podnijeti.

**Član 6.** - Ovim članom vrši se dopuna člana 38. i propisuje se da Agencija objavljuje rezultate konkursa na oglasnoj ploči i pisano obavještava kandidate o rezultatima, te da

kandidati imaju pravo da izjave žalbu Odboru za žalbe, u roku od 8 dana od dana prijema obavijesti.

**Član 7.** - Ovim članom vrši se izmjena člana 39. Zakona, kojim se dodatno uvtrđuju rokovi za donošenje rješenja o postavljenju državnih službenika i rješenja o stupanju na posao državnih službenika.

**Član 8.** - Ovim članom izvršene su tehničke izmjene u članu 43. Zakona, a u skladu sa izmjenama člana 10. stav (1) Zakona.

**Član 9.** Ovim članom izvršena je izmjena člana 50. Zakona, u pogledu ispravke numeracije stavova navedenog člana.

**Član 10.** - Ovim članom vrši se izmjena člana 52. tačke b), te se propisuju uslovi za prestanak radnog odnosa državnog službenika, u skladu sa propisima o penzijskom i invalidskom osiguranju.

**Član 11.** - Ovim članom izvršene su tehničke izmjene u članu 57. Zakona, a u skladu sa izmjenama člana 10. stav (1) Zakona.

**Član 12.** - Ovim članom izvršene su tehničke izmjene u članu 59. Zakona, a u skladu sa izmjenama člana 10. stav (1) Zakona.

**Član 13.** - Ovim članom vrši se dopuna člana 70. Zakona i propisuje koje podatke treba da sadrži Izvještaj o provođenju Zakona.

**Član 14.** - Ovim članom vrši se dopuna člana 73. stav (7) Zakona i propisuje novčana kazna za nedonošenje rješenja u rokovima propisanim članom 39. Zakona.

**Član 15.** – Ovim članom propisuje se obaveza i rok za usklađivanje Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa sa odredbama ovog zakona i obaveza i rok usklađivanja pravilnika o unutrašnjoj organizaciji.

**Član 16.** - Ovim članom ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o državnoj službi u Kantonu Sarajevo u roku od šest mjeseci od dana stupanja na snagu ovog zakona.

**Član 17.** - Ovim članom propisuje se da ovaj zakon stupa na snagu osmog dana od dana objavljivanja u "Službenim novinama Kantona Sarajevo".

#### **IV – FINANSIJSKA SREDSTVA**

Za provođenje ovog zakona nisu potrebna dodatna finansijska sredstva.



29-01-2021

352  
18-13

04

Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Finance

Broj: 08-03-11-25032-3/21 A.Z.  
Sarajevo, 22.01.2021. godine

**MINISTARSTVO PRAVDE I UPRAVE  
KANTONA SARAJEVO**

**Predmet:** Mišljenje na Prijedlog zakona o izmjenama i dopunama Zakona o državnoj službi u Kantonu Sarajevo

**Veza:** Vaš dopis, broj: 03-04-02-25032-3/20 od 19.01.2021. godine

Vezano za Vaš zahtjev za mišljenje na Prijedlog zakona o izmjenama i dopunama Zakona o državnoj službi u Kantonu Sarajevo, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo pravde i uprave je postupilo u skladu sa navedenim Pravilnikom i Ministarstvu finansija uz Prijedlog zakona o izmjenama i dopunama Zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Prijedlog zakona o izmjenama i dopunama Zakona o državnoj službi u Kantonu Sarajevo ne zahtijeva izdvajanja dodatnih sredstava iz Budžeta Kantona Sarajevo.“

Obzirom da do današnjeg dana (22.01.2021. godine) nije donesen Budžet Kantona Sarajevo za 2021. godinu i na snazi je Odluka o privremenom finansiranju potreba Kantona Sarajevo za period 01.01.-31.03.2021. godine, u skladu sa Zakonom o budžetima u FBiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i navedenom Odlukom konstatujemo sljedeće: Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu. U periodu privremenog finansiranja finansiraju se isti programi. Budžetski korisnici ne mogu započeti nove ili proširene programe i aktivnosti dok se ne donese budžet. Nakon isteka privremenog finansiranja ostvareni prihodi i primici te izvršeni rashodi i izdaci uključuju se u budžet tekuće godine.

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremila: Alma Zildžić, mr. oec.

Kontrolisala: Amina Močević, mr. oec.

MINISTAR

Davor Čitić



Bosna i Hercegovina  
Federacija Bosne i Hercegovine  
**KANTON SARAJEVO**  
Ured za zakonodavstvo Vlade  
Kantona Sarajevo



Босна и Херцеговина  
Федерација Босне и Херцеговине  
**КАНТОН САРАЈЕВО**  
Уред за законодавство Владе  
Кантона Сарајево

239  
101  
21-01-2021  
oh

Bosnia and Herzegovina  
Federation of Bosnia and Herzegovina

**CANTON SARAJEVO**  
Office for legislature of Sarajevo Canton  
Government

Broj: 09-02-1748/21  
Sarajevo, 20.01.2021. godine

KANTON SARAJEVO  
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjenama i dopunama Zakona o državnoj službi u Kantonu Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće


**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama i dopunama Zakona o državnoj službi u Kantonu Sarajevo, po pitanju njegove usklađenosti sa odredbama ustava i pozitivno-pravnih propisa koji uređuju ovu oblast.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Libović, dipl. pravnik

web: <http://vlada.ks.gov.ba>  
e-mail: [uz@uz.ks.gov.ba](mailto:uz@uz.ks.gov.ba)  
Tel: + 387(0)33 560-449  
Sarajevo, Hamida Dizdara 1



# IZVJEŠTAJ O PROVEDENOJ JAVNOJ RASPRAVI O NACRTU ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO

U skladu sa Programom rada za 2020. godinu, Ministarstvo pravde i uprave Kantona Sarajevo je pripremlilo Nacrt Zakona o izmjenama i dopunama Zakona o državnoj službi u Kantonu Sarajevo, koji je upućen u javnu raspravu 19.11.2020. godine u trajanju od 30 dana.

Primjedbe, prijedloge i sugestije na Nacrt Zakona dostavili su:

1. Kantonalni sud u Sarajevu, broj akta: 009-0-Su-20-000104 od 27.11.2020. godine,
2. Općina Trnovo, broj akta: 02-11-04-3519/20 od 01.12.2020. godine,
3. Dževad Ćorović, namještenik u Kantonalnoj upravi civilne zaštite, putem e-maila, dana 14.12.2020. godine,
4. Općina Ilijaš, broj akta: 02/1-30-SI/20 od 04.12.2020. godine,
5. Ministarstvo unutrašnjih poslova Kantona Sarajevo, broj akta: 01-7-02-5831/20 od 11.12.2020. godine.
6. Općina Stari Grad Sarajevo, broj akta: 01-04-4-2586/20 od 15.12.2020. godine.

Primjedbe koje su prihvaćene ugrađene su u tekst Zakona, a dato je obrazloženje zbog čega pojedine primjedbe nisu prihvaćene.

Nakon proteka ostavljenog roka, Ministarstvo pravde i uprave pripremlilo je Prijedlog Zakona o izmjenama i dopunama Zakona o državnoj službi u Kantonu Sarajevo.

## **I PRIMJEDBE NA NACRT ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO**

### **PRIMJEDBE, PRIJEDLOZI I SUGESTIJE**

#### **Član 1.**

#### **Izmjena člana 10. Zakona o državnoj službi u Kantonu Sarajevo**

#### **4. Ministarstvo unutrašnjih poslova – Uprava policije**

U članu 1. Nacrta Zakona o izmjenama i dopunama Zakona o državnoj službi u Kantonu Sarajevo, kojim se mijenja član 10. stav (1) predlaže se da se iza tačke c) uvrsti radno mjesto “pomoćnik policijskog komesara”.

S tim u vezi, predlaže se da se iza člana 13. Zakona o državnoj službi u Kantonu Sarajevo (“Službene novine Kantona Sarajevo”, br. 31/16 i 45/19), doda novi član 13a. (Pomoćnik policijskog komesara).

Predlaže se da se u članu 28. Zakona (Odlučivanje o pravima i dužnostima državnih službenika iz radnog odnosa iza stava (1) doda novi stav (2) koji treba da glasi:

“(2) Izuzetno od stava (1), rukovodiocem organa državne službe u smislu ovog zakona smatra se policijski komesar kada odlučuje o pravima i dužnostima iz radnog odnosa državnih službenika uposlenih u Upravi policije Ministarstva unutrašnjih poslova Kantona Sarajevo.”

**Stav predlagača: Primjedba se ne prihvata.** Prema Zakonu o organizaciji i djelokrugu organa uprave i upravnih organizacija Kantona Sarajevo, Uprava policije ima status organa uprave u sastavu ministarstva. S obzirom da osim Uprave policije, postoji i niz drugih uprava u sastavu ministarstva (npr. Direkcija za ceste, Direkcija za turizam, Uprava za geodetske i imovinsko-pravne poslove i dr.) smatramo da bi došlo do neopravdanog odstupanja u odnosu na navedene uprave, kada bi se izvršile izmjene člana 10. kako je predloženo. Također, predložene izmjene su u suprotnosti sa propisima kojima se uređuje organizacija uprave (član 10. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), čl. 15., 30. st. (6) i 31. st. (2) Uredbe o načelima za utvrđivanje unutrašnje organizacije kantonalnih, gradskih i općinskih organa uprave („Službene novine Kantona Sarajevo“, br. 36/06, 8/12 i 39/16), s obzirom da se predloženim članom predviđa da su **rukovodioci osnovnih organizacionih jedinica unutar Uprave policije**, kao uprave u sastavu ministarstva, državni službenici čija radna mjesta odgovaraju radnom mjestu pomoćnika rukovodioca organa državne službe.

## Član 7.

### Izmjena člana 39. Zakona o državnoj službi u Kantonu Sarajevo

#### 1. Kantonalni sud u Sarajevu

Član 7. stav (1) potrebno je precizirati u skladu sa odredbama Zakona o zaštiti tajnih podataka, u smislu da se isto rješenje odnosi na osobe koje se prijavljuju za rad na radnim mjestima ili dužnostima za koje je potreban pristup tajnim podacima koje svakako prije imenovanja, postavljenja ili prijema u radni odnos moraju proći odgovarajuću sigurnosnu provjeru u skladu sa Zakonom.

**Stav predlagača: Primjedba se ne prihvata.** Ministarstvo je stava da su odredbe člana 7., kojim se mijenja član 39. Zakona precizne i jasne, te da je navedenim odredbama propisan izuzetak za radna mjesta državnih službenika koja podliježu sigurnosnim provjerama u skladu sa Zakonom o zaštiti tajnih podataka, u pogledu roka za donošenje rješenja o stupanju na posao državnog službenika. S tim u vezi, smatramo da dodatno preciziranje nije svrsishodno.

### II OSTALE PRISTIGLE SUGESTIJE NA ZAKON O DRŽAVNOJ SLUŽBI U KANTONU SARAJEVO (“SLUŽBENE NOVINE KANTONA SARAJEVO”, BR. 31/16 i 45/19)

## Član 25. Zakona o državnoj službi u Kantonu Sarajevo

#### 1. Općina Stari Grad Sarajevo

Preporučuje se da, po ugledu na Zakon o radu, radni učinak i rezultati rada budu inkorporirani u tekst Zakona o državnoj službi u Kantonu Sarajevo i Zakon o plaćama i naknadama u organima vlasti Federacije Bosne i Hercegovine, koje bi organi državne službe (konkretno općine) mogle putem kolektivnih ugovora i pravilnika o radu bliže definisati i u konačnici mjesečno realizovati kroz plaću, umjesto vođenja disciplinskih postupaka koji osim što zahtijevaju angažman većeg broja državnih službenika i na uštrb njihovog redovnog radnog vremena, su obično dugotrajni, komplikovani, zakašnjeli i kao takvi neučinkoviti.



**Stav predlagača: Primjedba se ne prihvata.** Propisivanje radnog učinka i rezultata rada, kao osnova za određivanje plate, ne može biti predmet Zakona o državnoj službi u Kantonu Sarajevo. Navedeno pitanje reguliše se Zakonom o plaćama i naknadama u organima vlasti Kantona Sarajevo.

## Član 35. Zakona o državnoj službi u Kantonu Sarajevo

### 1. Općina Stari Grad Sarajevo

Predlaže se izmjena člana 35. Zakona (Opći uslovi za postavljenje državnog službenika), a u vezi tačke f), tj. da nije obuhvaćeno odredbom člana IX.1 Ustava Bosne i Hercegovine. Navedenu odredbu treba precizirati sa vremenskog aspekta, imajući u vidu da se ovjerena izjava u tom smislu u konkursnoj proceduri traži od svih kandidata, pa i onih koji su rođeni 1992. godine i dalje, a što je besmisleno.

**Stav predlagača: Primjedba se ne prihvata.** Izjava da kandidat nije “pod optužnicom Međunarodnog tribunala za bivšu Jugoslaviju u Hagu” i da se nije “odbio povinovati naredbi da se pojavi pred Tribunalom (član IX.1. Ustava BiH)” sastavni je dio Prijavnog obrasca za javni konkurs. Kandidati nisu u obavezi ovjeravati i dostavljati posebnu izjavu, već potpisom Prijavnog obrasca potvrđuju navedeno. S tim u vezi, smatramo da nije svrsishodno vršiti izmjene člana 35. Zakona na predloženi način.

## Član 46. Zakona o državnoj službi u Kantonu Sarajevo

### 1. Dževad Ćorović, namještenik u Kantonalnoj upravi civilne zaštite

Predlaže se izmjena člana 46. Zakona, kako slijedi:

“Član 46.

(Status namještenika koji uz rad stekne visoku stručnu spremu)

Namještenik organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe, **može se postaviti na upražnjeno radno mjesto stručnog saradnika u organu državne službe uz obavezno dostavljanje rješenja o postavljanju Agenciji za državnu službu FBiH, u Zakonu predviđenom roku.”**

U vezi sa naprijed navedenim, predlaže se i izmjena člana 29. Zakona, kako slijedi:

“Član 29

(Popuna upražnjenog radnog mjesta)

Popuna upražnjenog radnog mjesta državnog službenika u organu državne službe vrši se na način utvrđen u čl. 30. do 34. ovog zakona i čl. 46. ovog zakona za koji se, u zavisnosti od konkretne potrebe isituacije, odluči rukovodilac organa državne službe.”

**Stav predlagača: Primjedba se ne prihvata.** Shodno članu 4. Zakona, *zapošljavanje i unapređenje profesionalne karijere državnog službenika zasniva se na javnom konkursu i profesionalnoj sposobnosti.*

Također, predloženim rješenjima, namještenici koji ispunjavaju navedene uslove, imali bi privilegovan položaj u odnosu na druge kandidate prilikom prijema u državnu službu, jer bi bili izuzeti iz konkursne procedure i polaganja stručnog ispita.

Prema Ustavu Kantona Sarajevo, na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Međunarodni pakt o političkim i građanskim pravima, predstavlja dio materijalnog i formalnog ustavnog prava Federacije Bosne i Hercegovine jer je kao međunarodno pravo inkorporisano u Ustav Federacije Bosne i Hercegovine (tačka 10. Aneksa Ustava Federacije Bosne i Hercegovine).

Član 25. stav 1. tačka c) Međunarodnog pakta o političkim i građanskim pravima jasno propisuje pravo svakog građanina da ima pristup javnim službama svoje zemlje uz opće uslove jednakosti. Iz svega navedenog proizilazi, da izmjena Zakona na predloženi način ne bi bila u skladu sa ustavnim i zakonskim rješenjima u Bosni i Hercegovini, te osnovnim principima državne službe.

## Član 50. Zakona o državnoj službi u Kantonu Sarajevo

### 1. Ministarstvo unutrašnjih poslova – Uprava policije

Predlaže se ispravka tehničkih grešaka uočenih u članu 50. Zakona o državnoj službi u Kantonu Sarajevo („Službene novine Kantona Sarajevo”, br. 31/16 i 45/19). Naime, uočeno je da član 50. ima ukupno šest stavova, gdje su dva stava označena brojem pet (5), umjesto da stav koji je označen drugim brojem (5) bude stav (6), a postojeći stav (6) potrebno je da bude stav (7). Također, u tekstu pogrešno označenog stava (5), nalazi i pogrešno naveden stav (4) dva puta, te se stoga predlaže da se umjesto navedenog „iz stava (4)”, napiše tekst „iz stava (5)”.

**Stav predlagača: Primjedba se prihvata.** Shodno uočenim greškama u numeraciji stavova, vrši se izmjena člana 50. koji sada glasi:

„Član 50.  
(Neplaćeno odsustvo)

(1) Državnom službeniku može se odobriti neplaćeno odsustvo do 30 dana u kalendarskoj godini u slučajevima:

- a) za pripremanje i polaganje ispita,
- b) za sudjelovanje u stručnim seminarima,
- c) za gradnju i popravku kuće ili stana,
- d) za njegu člana obitelji,
- e) za sudjelovanje na kulturnim, sportskim susretima i drugim sličnim slučajevima.

(2) Dužina odsustva, iz stava (1) ovog člana, za pojedine slučajeve uređuje se pravilnikom o radnim odnosima organa državne službe.

(3) Ukoliko u organu državne službe istog nivoa vlasti rade dva ili više državnih službenika, članova zajedničkog domaćinstva, neplaćeno odsustvo iz stava (1) ovog člana može se odobriti samo jednom državnom službeniku.

(4) Odsustvo iz stava (1) ovog člana, može se odobriti samo pod uslovom ako odsustvo državnog službenika s posla neće utjecati na blagovremeno obavljanje službenih poslova.

(5) Izuzetno, državnom službeniku u organu državne službe može se odobriti neplaćeno odsustvo u trajanju dužem od 30 dana u slijedećim slučajevima:

a) boravaka u inozemstvu radi spajanja porodice, ako bračni drug državnog službenika boravi u inozemstvu po osnovu odluke nadležne institucije Bosne i Hercegovine ili nadležnog organa Federacije Bosne i Hercegovine;

b) školovanja koje nije obuhvaćeno organiziranim oblicima obuke, koju provode organi i institucije u Federaciji, odnosno u Bosni i Hercegovini, a koje doprinosi ukupnom usavršavanju državnog službenika u obavljanju poslova iz djelokruga organa državne službe.

(6) Odsustvo iz stava (5) tačka a) ovog člana ne može trajati duže od četiri godine, a odsustvo iz stava (5) tačka b) ovog člana ne može trajati duže od dvije godine.

(7) Za vrijeme odsustva s rada, u skladu sa stavom (1) i (5) ovog člana, prava i obaveze državnog službenika, koja se stiču na radu i po osnovu rada miruju.”

## Član 61. Zakona o državnoj službi u Kantonu Sarajevo

### 1. Općina Stari Grad Sarajevo

Predlaže se izmjena u članu 61. stav (3) Zakona, kojim je propisano da “*U slučaju preventivne suspenzije državni službenik koji je suspendovan prima puni iznos plaće*”, s obzirom da, zbog činjenice da postupci utvrđivanja odgovornosti predugo traju, navedeno zakonsko rješenje ide na uštrb poslodavca.

Predlažu se izmjene i dopune relevantnih zakonskih normi koje propisuju da državni službenik koji je suspendovan prima puni iznos plaće, jer državni organi, konkretno općine kada se nađu u situacijama da moraju državnog službenika ili namještenika obavezno suspendovati s posla, moraju isplaćivati puni iznos plaće do okončanja disciplinskog postupka, odnosno do stupanja na izdržavanje izrečene kazne ukoliko se radilo o sudskom postupku, a koji postupci inače predugo traju, a čije posljedice u konačnici trpe poslodavci, plaćajući nerad.

**Stav predlagača: Primjedba se ne prihvata.** Uzimajući u obzir institut pretpostavke nevinosti, koji je propisan Zakonom o krivičnom postupku FBiH, ali i Uredbom o pravilima disciplinskog postupka u organima državne službe Kantona Sarajevo, te zbog činjenice da se u krivičnom, odnosno disciplinskom postupku tek utvrđuje krivnja za krivično djelo, odnosno za učinjenu povredu službene dužnosti, smatramo da ne bi bilo svrsishodno mijenjati stav (3) člana 61. Zakona.

## Član 69. Zakona o državnoj službi u Kantonu Sarajevo

### 1. Općina Stari Grad Sarajevo

Predlažu se dopune člana 69. Zakona o državnoj službi u Kantonu Sarajevo, kojim je propisano da Odbor državne službe za žalbe FBiH odlučuje u drugom stepenu o svim žalbama koje se izjave na rješenja rukovodioca organa državne službe, Gradonačelnika, odnosno načelnika i o žalbama koje se izjave na odluke Disciplinske komisije, u skladu sa zakonom, podzakonskim

propisima, općim aktima i kolektivnim ugovorom, u smislu uvođenja zakonskog roka u kojem je Odbor dužan riješiti žalbe, uz pravne posljedice ukoliko se to ne desi.

**Stav predlagača: Primjedba se ne prihvata.** Nadležnosti i način rada Odbora za žalbe Federacije Bosne i Hercegovine propisani su Zakonom o državnoj službi u Federaciji Bosne i Hercegovine, a rokovi u kojima je Odbor za žalbe dužan riješiti žalbe su utvrđeni u Poslovniku o radu Odbora za žalbe u Federaciji Bosne i Hercegovine. S tim u vezi, ističemo da se Zakonom o državnoj službi u Kantonu Sarajevo ne mogu Odboru za žalbe, kao organu višeg nivoa vlasti, propisivati obaveze, rokovi i posljedice nepridržavanja istih. Ukazujemo i na Odluku o davanju saglasnosti za obavljanje poslova koji su Zakonom o državnoj službi u Kantonu Sarajevo povjereni Agenciji za državnu službu Federacije Bosne i Hercegovine i Odboru državne službe za žalbe ("Službene novine Federacije Bosne i Hercegovine", broj 90/16), kojom je, između ostalog, Odboru državne službe za žalbe povjereni da u drugom stepenu odlučuje o svim žalbama koje se izjave na rješenje rukovodioca organa državne službe, u skladu sa zakonom, podzakonskim propisima, općim aktima i kolektivnim ugovorom.

## OSTALO

### 1. Općina Trnovo

**Općina Trnovo je istakla da nema primjedbe na predložene izmjene i dopune Zakona.**

Međutim, predloženo je da se u Zakonu o državnoj službi u Kantonu Sarajevo, iza poglavlja VI doda novo poglavlje RAD U VRIJEME VANREDNIH OKOLNOSTI ili sličan naziv u kojem bi se definisale moguće vanredne okolnosti kao i način rada u organima uprave u vrijeme istih ("rad od kuće", rad "online" i sl.) sa upućujućim normama za postupanje rukovodilaca organa uprave, a s obzirom da niti Zakonom o radu FBiH, niti Zakonom o državnoj službi u Kantonu Sarajevo, nije definisan problem rada u organima državne službe u vrijeme vanrednih okolnosti.

**Stav predlagača: Primjedba se ne prihvata.** Predložene izmjene nisu predmet Zakona o državnoj službi u Kantonu Sarajevo. Ukazujemo na odredbe člana 48. Zakona koji propisuje da se *"Na državnog službenika i lica iz člana 22. ovog zakona primjenjuje (se) Zakon o radu, drugi zakoni i kolektivni ugovori kojima se uređuju prava i obaveze iz radnih odnosa, osim ako ovim zakonom nije drugačije utvrđeno."*

Također, predloženim rješenjem bio bi isključivo regulisan rad u vrijeme vanrednih okolnosti državnih službenika, uzimajući u obzir da su radni odnosi namještenika regulisani Zakonom o namještenicima FBiH.

## PRILOZI

### USTAV FEDERACIJE BOSNE I HERCEGOVINE

#### III. PODJELA NADLEŽNOSTI IZMEĐU FEDERALNE I KANTONALNE VLASTI

##### Član 4.

Kantoni imaju sve nadležnosti koje nisu izričito povjerene federalnoj vlasti. Posebno su nadležni za:

- a) uspostavljanje i nadziranje policijskih snaga koje će imati jedinstvene federalne uniforme sa kantonalnim oznakama,
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguranja javnih službi;**
- f) donošenje propisa o korišćenju lokalnog zemljišta, uključujući zoniranje;
- g) donošenje propisa o unapređenju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjenu politike kantonalnog turizma, razvoj turističkih resursa;
- l) finansiranje djelatnosti kantonalne vlasti ili njenih agencija oporezivanjem, zaduživanjem ili drugim sredstvima.

### USTAV KANTONA SARAJEVO

##### Član 14.

#### Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

##### Član 18.

#### Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) \_\_\_\_\_<sup>1</sup>
- d) utvrđuje politiku i donosi programe razvoja Kantona;
- e) potvrđuje Vladu Kantona<sup>2</sup>;
- f) -----<sup>3</sup>

<sup>1</sup> Tačka c) brisana je Amandmanom XXI („Službene novine Kantona Sarajevo“, broj 28/04)

<sup>2</sup> Tačka e) izmijenjena je Amandmanom XXI („Službene novine Kantona Sarajevo“, broj 28/04)

<sup>3</sup> Tačka f) je brisana Amandmanom XXI („Službene novine Kantona Sarajevo“, broj 28/04)

- g) -----<sup>4</sup>
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prenosu ovlaštenja Kantona na općinu , Grad<sup>5</sup> i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

---

<sup>4</sup> Tačka g) brisana je Amandmanom XXI („Službene novine Kantona Sarajevo“, broj 28/04)

<sup>5</sup> Riječ “općine” zamijenjena je riječima: “općinu, Grad “ - Amandmanom III („Službene novine Kantona Sarajevo“, broj 16/97)

**ODREDBE ZAKONA KOJE SE MIJENJAJU I DOPUNJUJU:**

**ZAKON O DRŽAVNOJ SLUŽBI U KANTONU SARAJEVO  
(„Službene novine Kantona Sarajevo“, broj 31/16 i 45/19)**

Član 10.

(Radna mjesta državnih službenika)

(1) Državni službenik se postavlja na jedno od sljedećih radnih mjesta:

- a) rukovodilac stručne i druge službe koju obrazuje Vlada, Gradonačelnik ili načelnik;
- b) sekretar organa državne službe,
- c) pomoćnik rukovodioca organa državne službe,
- d) glavni inspektor,
- e) šef unutrašnje organizacione jedinice,
- f) inspektor,
- g) stručni savjetnik,
- h) viši stručni saradnik,
- i) stručni saradnik.

Član 30

(Interni premještaj državnog službenika)

(1) Državni službenik se može premjestiti na drugo slično radno mjesto u istom organu državne službe, odnosno u drugi organ državne službe istog nivoa vlasti na osnovu sporazuma između rukovodilaca organa državne službe.

(2) Pod sličnim radnim mjestom podrazumijeva se radno mjesto iste stručne spreme u okviru organa državne službe, za koje državni službenik ispunjava opšte i posebne uslove, propisane pravilnikom o unutrašnjoj organizaciji.

**(3) Premještaj se može izvršiti sa ili bez saglasnosti državnog službenika koji se premješta sa jednog radnog mjesta na drugo radno mjesto iste ili neposredno više, odnosno neposredno niže pozicije radnog mjesta koje je upražnjeno u organu državne službe, odnosno u drugom organu državne službe istog nivoa vlasti, a u okviru radnih mjesta propisanih u članu 10. stav (1) tač. b) do i) ovog zakona, ako postoji potreba službe, prema ocjeni rukovodioca organa državne službe.**

(4) Rješenje o premještaju iz stava (3) ovog člana donosi rukovodilac organa državne službe, a primjerak rješenja dostavlja se Agenciji, a kada se premještaj vrši u drugi organ državne službe istog nivoa vlasti, primjerak sporazuma i rješenje o postavljenju dostavljaju se Agenciji.

(5) Kod odlučivanja o premještaju u obzir se uzimaju ocjene rezultata rada koje je ostvario državni službenik koji se premješta, kao i njegova ukupna stručna sposobnost za obavljanje poslova na radnom mjestu na koje se premješta.

(6) Interni premještaj državnog službenika se može izvršiti samo jednom u toku jedne kalendarske godine.

(7) Žalba na rješenje iz stava (4) ovog člana ne odlaže izvršenje rješenja.

Član 31.

(Preuzimanje državnog službenika)

- (1) Organ državne službe može, na osnovu pisanog sporazuma sa drugim organom državne službe u Bosni i Hercegovini, neovisno od nivoa vlasti i uz saglasnost državnog službenika, preuzeti državnog službenika sa iste ili slične pozicije, u skladu sa članom 30. stav (2) ovog zakona.
- (2) Preuzimanje se vrši pisanim sporazumom između rukovodilaca organa državne službe, gradonačelnika, odnosno načelnika, a primjerak sporazuma i rješenje o postavljenju dostavljaju se Agenciji.

#### Član 34. (Javno oglašavanje)

- (1) Ukoliko se upražnjeno radno mjesto u organu državne službe ne bude moglo popuniti na način predviđen u čl. 32. i 33. ovog zakona, na zahtjev rukovodioca organa državne službe, Agencija objavljuje javni konkurs i provodi proceduru popune upražnjenog radnog mjesta, prema odredbama ovog člana i čl. 35. i 36. ovog zakona.
- (2) Javni konkurs objavljuje se u "Službenim novinama Federacije BiH", jednim dnevnim novinama koje se distribuiraju na cijeloj teritoriji Bosne i Hercegovine i web stranici Agencije.
- (3) Rok za prijavu kandidata je 15 dana, od dana objave u "Službenim novinama Federacije Bosne i Hercegovine".
- (4) Javni konkurs sadrži:
  - a) naziv i opis upražnjenog radnog mjesta,
  - b) opšte uslove iz člana 35. ovog zakona,
  - c) posebne uslove utvrđene pravilnikom o unutrašnjoj organizaciji,
  - d) spisak potrebnih dokumenata i mjesto njihovog podnošenja.
- (5) Troškove objavljivanja javnog konkursa snosi organ državne službe za čije se potrebe provodi konkurs.

#### Član 38 (Javni konkurs)

- (1) U okviru provođenja javnog konkursa kandidati su dužni polagati:
  - a) ispit općeg znanja;
  - b) stručni ispit.
- (2) Vlada na prijedlog Ministarstva pravde i uprave Kantona Sarajevo (u daljem tekstu: Ministarstvo pravde), uz pribavljeno mišljenje Agencije, podzakonskim aktom utvrđuje uslove, način i program polaganja ispita iz stava (1) ovog člana.
- (3) Kandidati koji su položili stručni upravni ispit ili pravosudni ispit pred bilo kojim nadležnim organom u Bosni i Hercegovini, izuzeti su od polaganja ispita općeg znanja iz stava (1) tačka a) ovog člana.

#### Član 39 (Postavljenje državnog službenika)

- (1) Rukovodilac organa državne službe, Gradonačelnik ili načelnik postavlja najuspješnijeg kandidata sa Liste uspješnih kandidata koji su prošli javni konkurs iz člana 38. ovog zakona, za državnog službenika.
- (2) Izuzetno, iz opravdanih razloga uz obazloženje, rukovodilac organa državne službe Gradonačelnik ili načelnik može postaviti kandidata bez obzira na redoslijed utvrđen na Listi uspješnih kandidata, a nakon obavljenog usmenog intervjua sa svim kandidatima sa Liste uspješnih kandidata.



- (3) Pod opravdanim razlozima iz stava (2) ovog člana podrazumijeva se nacionalna i spolna struktura u organu državne službe i prednost u zapošljavanju utvrđena posebnim propisima.
- (4) Usmeni intervju iz stava (2) ovog člana provodi se u organu državne službe.
- (5) Rezervna Lista uspješnih kandidata čuva se do isteka probnog rada postavljenog državnog službenika.
- (6) Postavljenje državnog službenika vrši se rješenjem, koje se dostavlja kandidatu i objavljuje na oglasnoj ploči organa državne službe.
- (7) Prije preuzimanja dužnosti, postavljeni državni službenik prima pisani opis svog radnog mjesta i akte kojim se regulišu radni odnosi, plaće, unutrašnja organizacija i zaštita na radu.
- (8) Rješenje o postavljenju sadrži:
  - a) ime i prezime državnog službenika;
  - b) naziv organa državne službe u koji je državni službenik postavljen;
  - c) naziv radnog mjesta i platni razred.
- (9) Postavljeni državni službenik preuzima dužnost polaganjem zakletve vjernosti pred rukovodiocem organa državne službe, čiji tekst utvrđuje Agencija, a potpisani tekst zakletve sastavni je dio personalnog dosjea državnog službenika.
- (10) Jedan primjerak rješenja o postavljenju državnog službenika dostavlja se Agenciji radi evidentiranja u Registru državnih službenika, u roku od osam dana od dana donošenja rješenja.
- (11) Protiv rješenja iz stava (6) ovog člana može se izjaviti žalba Odboru za žalbe.

#### Član 43

(Unapređenje državnog službenika)

- (1) Rukovodilac organa državne službe može vršiti unapređenje državnog službenika u organu kojim rukovodi na više radno mjesto, u okviru radnih mjesta iz člana 10. stav (1) tač. b) do i) ovog zakona, a vrši se kada postoji upražnjeno radno mjesto.**
- (2) Unapređenje se vrši putem internog oglasa, koji traje najmanje sedam dana od dana objavljivanja, a objavljuje se na oglasnoj tabli organa državne službe u kojem se vrši unapređenje.
- (3) Interni oglas sadrži naziv radnog mjesta, opis poslova i uslove za obavljanje poslova utvrđene u pravilniku o unutrašnjoj organizaciji organa državne službe.
- (4) Rukovodilac organa državne službe, Gradonačelnik, odnosno načelnik imenuje komisiju od tri člana, koja predlaže za unapređenje državnog službenika koji ima najbolje stručne i druge kvalitete, koji se zasnivaju na ocjeni rada i pokazanim drugim stručnim i profesionalnim sposobnostima državnih službenika koji se prijave na interni oglas, što se procjenjuje putem intervjua.
- (5) Rješenje o unapređenju donosi rukovodilac organa državne službe, Gradonačelnik, odnosno načelnik, a primjerak rješenja dostavlja se Agenciji.
- (6) Nezadovoljni državni službenici imaju pravo podnijeti žalbu Odboru za žalbe, u roku od 15 dana od dana donošenja rješenja o unapređenju.

#### Član 50

(Neplaćeno odsustvo)

- (1) Državnom službeniku može se odobriti neplaćeno odsustvo do 30 dana u kalendarskoj godini u slučajevima:

- a) za pripremanje i polaganje ispita,
  - b) za sudjelovanje u stručnim seminarima,
  - c) za gradnju i popravku kuće ili stana,
  - d) za njegu člana obitelji,
  - e) za sudjelovanje na kulturnim, sportskim susretima i drugim sličnim slučajevima.
- (2) Dužina odsustva, iz stava (1) ovog člana, za pojedine slučajeve uređuje se pravilnikom o radnim odnosima organa državne službe.
- (3) Ukoliko u organu državne službe istog nivoa vlasti rade dva ili više državnih službenika, članova zajedničkog domaćinstva, neplaćeno odsustvo iz stava (1) ovog člana može se odobriti samo jednom državnom službeniku.
- (4) Odsustvo iz stava (1) ovog člana, može se odobriti samo pod uslovom ako odsustvo državnog službenika s posla neće utjecati na blagovremeno obavljanje službenih poslova.
- (5) Izuzetno, državnom službeniku u organu državne službe može se odobriti neplaćeno odsustvo u trajanju dužem od 30 dana u sljedećim slučajevima:
- a) boravaka u inozemstvu radi spajanja porodice, ako bračni drug državnog službenika boravi u inozemstvu po osnovu odluke nadležne institucije Bosne i Hercegovine ili nadležnog organa Federacije Bosne i Hercegovine;
  - b) školovanja koje nije obuhvaćeno organiziranim oblicima obuke, koju provode organi i institucije u Federaciji, odnosno u Bosni i Hercegovini, a koje doprinosi ukupnom usavršavanju državnog službenika u obavljanju poslova iz djelokruga organa državne službe.
- (5) Odsustvo iz stava (4) tačka a) ovog člana ne može trajati duže od četiri godine, a odsustvo iz stava (4) tačka b) ovog člana ne može trajati duže od dvije godine.
- (6) Za vrijeme odsustva s rada, u skladu sa stavom (1) i (4) ovog člana, prava i obaveze državnog službenika, koja se stiču na radu i po osnovu rada miruju.

## Član 52

### (Prestanak radnog odnosa državnog službenika)

Državnom službeniku prestaje radni odnos u organu državne službe u sljedećim slučajevima:

- a) dobrovoljnog istupanja iz državne službe;
- b) ispunjavanja zakonskih godina života za penzionisanje, odnosno navršavanjem 40 godina staža osiguranja;**
- c) gubitka državljanstva Bosne i Hercegovine;
- d) sticanja državljanstva druge države suprotno Ustavu i zakonima Bosne i Hercegovine;
- e) prekobrojnosti;

- f) odbijanja polaganja zakletve vjernosti i/ili potpisivanja teksta zakletve vjernosti;
- g) nezadovoljavajućeg probnog perioda;
- h) dvije uzastopno negativne ocjene rada;
- i) izrečene disciplinske mjere prestanka radnog odnosa u državnoj službi;
- j) predaje dokumenata ili izjava tokom postupka podnošenja prijava za prijem u državnu službu, za koje se kasnije utvrdi da su lažni;
- k) i u drugim slučajevima utvrđenim Zakonom o radu i drugim zakonima.

#### Član 57

##### (Disciplinski postupak)

- (1) Disciplinski postupak protiv državnog službenika iz člana 10. stav (1) tačka a) pokreće Vlada, Gradonačelnik odnosno načelnik, a disciplinski postupka protiv državnog službenika iz člana 10. stav (1) tač b) do i) pokreće rukovodilac organa državne službe ili državni službenik kojeg on ovlasti.**
- (2) Disciplinski postupak protiv državnog službenika za laku povredu službene dužnosti provodi i izriče disciplinske mjere rukovodilac organa iz stava (1) ovog člana ili lice koje on ovlasti.
- (3) Disciplinski postupak za tešku povredu službene dužnosti provodi Disciplinska komisija i izriče disciplinske kazne.

#### Član 59

##### (Postupak pred Disciplinskom komisijom)

- (1) Disciplinska komisija provodi postupak utvrđivanja disciplinske odgovornosti državnih službenika za teže povrede službene dužnosti u skladu sa pravilima disciplinskog postupka utvrđenim podzakonskim aktom iz člana 55. stav (6) ovog zakona.
- (2) Disciplinska komisija tokom postupka pribavlja mišljenje medijatora državne službe o podnesenoj disciplinskoj prijavi.
- (3) Protiv odluke Disciplinske komisije državni službenik ima pravo žalbe Odboru za žalbe u roku od 15 dana od dana prijema rješenja.
- (4) Konačnu odluku donesenu u disciplinskom postupku izvršava Vlada, Gradonačelnik, odnosno načelnik za državnog službenika iz člana 10. stav (1) tačka a), a za državnog službenika iz člana 10. stav (1) tač. b) do i) rukovodilac organa državne službe.**
- (5) Disciplinska komisija primjerak konačnog rješenja dostavlja Agenciji

#### Član 70

##### (Praćenje izvršenja zakona)

- (1) Vlada, Gradonačelnik odnosno načelnik, najmanje jednom u šest mjeseci razmatraju izvještaj o provođenju ovog zakona i donose mjere za unapređenje stanja u državnoj službi.

- (2) Vlada, Gradonačelnik odnosno načelnik, na kraju svake godine, a i ranije prema potrebi, dostavljaju Skupštini Kantona, Gradskom odnosno općinskom vijeću, izvještaj o stanju u državnoj službi u Kantonu, Gradu, odnosno općini.

Član 73  
(Kaznene odredbe)

(1) Novčanom kaznom u iznosu od 10.000,00 KM do 30.000,00 KM kaznit će se za prekršaj pravno lice - poslodavac ili firma koja u roku od dvije godine od dana razrješenja dužnosti državnog službenika zaposli ili isplati bilo kakvu naknadu državnom službeniku koji je nad istim poslodavcem ili firmom provodio redovan nadzor (Član 26. stav (1) tačka b)).

(2) Novčanom kaznom u iznosu od 1.000,00 KM do 3.000,00 KM kaznit će se za prekršaj fizičko lice u pravnom licu kao i fizičko lice - samostalni privrednik (obrtnik) za prekršaj iz stava (1) ovog člana.

(3) Novčanom kaznom u iznosu od 500,00 KM do 2.000,00 KM kaznit će se za prekršaj lice koje se u roku od dvije godine od dana razrješenja dužnosti državnog službenika zaposli ili primi bilo kakvu naknadu od poslodavca ili firme nad čijim radom je provodio redovan nadzor (Član 26. stav (1) tačka b)).

(4) Novčanom kaznom u iznosu od 500,00 KM do 2.000,00 KM kaznit će se za prekršaj državni službenik koji obavlja dodatnu aktivnost za koju se plaća naknada suprotno podzakonskim aktima i koju nije odobrio rukovodilac institucije (Član 26. stav (1) tačka a));

(5) Novčanom kaznom u iznosu od 500,00 KM do 2.000,00 KM kaznit će se za prekršaj državni službenik koji je Član upravnih i drugih organa političke stranke ili ukoliko slijedi instrukcije političkih stranaka (Član 26. stav (1) tačka c)).

(6) Novčanom kaznom u iznosu od 500,00 KM do 2.000,00 KM kaznit će se za prekršaj državni službenik koji, prilikom postavljenja na radno mjesto, ne predoči sve informacije o imovini kojom raspolaže, odnosno ne prijavi promjene imovinskog stanja u roku od 30 dana od dana nastanke promjene (Član 26. st. (4) i (5)).

(7) Novčanom kaznom od 1.000,00 do 3.000,00 KM kaznit će se za prekršaj rukovodilac organa državne službe:

- a) ako ne donese rješenje za državnog službenika u skladu s članom 26. stav (2) ovog zakona;
- b) ako ne postupi po konačnoj odluci Odbora za žalbe, u skladu sa članom 28. stav (6) ovog zakona;
- c) ako popunu upražnjenog radnog mjesta izvrši suprotno odredbama čl. 29. do 34. ovog zakona;
- d) ako rješenja predviđena ovim zakonom ne dostavlja Agenciji;
- e) ako omogućiti rad na određeno vrijeme duže od vremena utvrđenog članom 47. stav (4) ovog zakona.